



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. LXXV. Confitebimur tibi Deus: confitebimur, & inuocabimus, &c.
Carm. gen. 13.

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

Terasq; cingis fluctibus.

Aestate lenis frigus acre, frigoris

Aestu rigorem temperas.

Domine intuere probra, contumelias,

Et hostium ludibria,

Qui te lacessunt impijs conuicijs,

Molestijs nos opprimunt.

Ne trade uitam turturis tuæ feris.

Turbam tuorum pauperum

Ne sempiternâ obliuione desere.

Memor tui sis fœderis.

Nam nec tenebræ nos tegunt, nec pellimus

Obscuritate iniurias.

Ope destituti & omnibus fracti malis

Populi pudori consule:

Vt te merentem prosequantur laudibus

Miseri leuati lactibus.

Exlurge rector orbis optime, & tuam

Causam tuere: sis memor

Quæ probra passim nominis semper tuo

Stulta ingerat procacitas.

Voces superbas & tumultus improbos

Silentio ne supprime:

Curamq; rerum gerere te mortalium,

Qui negligunt te, sentiant.

PSAL. LXXV. Confitebimur tibi De-

us: confitebimur, et inuocabimus, &c.

Carm.gen.13.

TE nos carminibus, rex bone patrijs

Dicemus meritò: te celebrabimus

Præsen-

Præsentem miseris: & memorabimus

Facta illustria posteris.

Quum plenis uenient tempora sæculis,
Cogam, inquit Dominus, concilium meum:
Iustis supplicijs prosequar impios,

Iustis muneribus pios.

Fundamenta soli dissiliant licet,
Turbetur trepidis gens hominum minis,

Fundamenta soli fluxa adamantinis
Nectam rursum ego uinculis.

O stultos: quoties admonui modum
Vesanæ ut facerent nequitiæ suæ!

In cælum quoties admonui impios
Ne stultè arma capeſſerent!

Quid cælum stolida uoce lacesſitis?
Qua spe sic furitis? spiritus arrogans

Cuius præſidio fretus in æthera
Cristas erigit impias?

Eoīs coēat uiribus Occidens,
Coniurent calidæ cum Borea plage,
Frustra diuitias, ſceptra, potentiam
Cuiquam conciliauerint.

Vnus rex hominum res hominum suo
Versans arbitrio, præcipitem trahit

Illum de ſolio, plebis ab iñſimæ
Hunc fæce ad ſolium erigit.

Nam cratera meri purpurei Deus
Iam dextra tenet, & uindice pharmaco
Vndantem pateram temperat, & malis
Iustum ſupplicium parat.

K

Illinc impietas undiqz ab ultimis
Terrarum spatijs hauriet, & mero
Consumpto, cupido gutture turbida
De fæce exitium bibet.

At me uate, Dei, quem genus Isaci
Et ture & precibus placat & hostijs,
Omnis posteritas munificentiam
Et uim numinis audiet.

Confringam tumidæ tela superbiæ
Formidata bonis: cladibus obruta
Emerget pietas, & super æthera
Toller conspicuum caput.

PSALM. LXXVI. Notus in Iudea De
us: in Israel magnum nomen eius, &c.
Carm. gen. 1.

Gentes profanæ numinis loco colunt
Sibi quisqz quem finxit Deum:
Iudæa uerum nouit & colit Deum,
Laudatqz festis cantibus:
Deum Sionis incolam, Solymæ sacris
Cui templa fumant ignibus.
Illic minaces fregit arcus, lucida
Fregit sagittæ spicula.
Clypea sinistris rapuit, enses dexteris:
Funesta bella sustulit.
Tu belluosis montium clarus iugis
Apparuisti: tu feram
Compescuisti fortium superbiam
Regum